

四川府縣志輯 (新編) ⑥3

中國地方志集成

民國漢源縣志
咸豐天全州志

中國地方志集成

四川府縣志輯（新編）⑥3

民國漢源縣志

咸豐天全州志

巴蜀書社·鳳凰出版社·上海書店

第六十三冊目錄

民國漢源縣志……………一

咸豐天全州志……………四七九

國民

漢源縣志

民國・劉裕常 修 王琢等 纂
民國三十年鉛印本 四卷

漢源縣志序

叩嶺山麓有城嵒然曰清溪，卽今之漢源也。黎風雅雨，由來舊矣。古西夷自越嶲以東北，君長以十數，秦時常爲郡縣，漢興而罷。十六國春秋曰：李雄有蜀，置沈黎漢源二郡；茶馬之盛，代有聞焉。方輿云：唐時大渡之戍不守，則黎雅叩嘉成都皆擾。人謂昔時河道平廣，可通漕船；自宋藝祖玉斧劃河以後，中流忽陷下五六十丈。水至此澎湃如瀑，從空而落，春撞號怒，波濤洶湧，船筏不通，名爲噎口。殆天設險以限夷狄也。余惟漢源縮轂康甯，自昔蠻人窺伺，常爲經邊要地，攷韋成武築要衝城，李文饒築伏羲城，以制大渡清溪之險，夷事特難。唐孫樵以文雄，其書田將軍邊事，言之極詳。宋人無遠略，偉烈豐功，皆遜往古，可勝歎哉。民國二十八年，余受命主西康省政，慕韋成武李文饒之遺風。歷代治邊，偏重羈縻；今抗戰軍興，胡越一家，椎髻之民，咸知禦侮。樂西雅富兩路嚮通，人物輻湊，有異疇昔。寧雅兩屬，各縣簿書殘闕，縣志多非完帙。漢源自嘉慶五年有志，迄今而未增修；古所謂縣志宜三十年而一修者，今則幾百有五十年而一修矣。漢源本年爲推行新縣制之縣，余旣命劉君裕常治其事，裕常縣長以縣志請序，因爲書之如右。

民國三十年秋西康省政府主席劉文輝序

漢源縣志序

漢源乃古黎州地，山川地險，民俗樸厚，南屏越冕，北障雅榮，東接洪峨，西衛康瀘，自古卽爲經邊重鎮。昔益州太守王陽至九折坂而迴車，王尊至二十四盤而叱馭，一以全孝，一以盡忠，蓋縣境之險峻，有以使然也。民國二十七年秋九月，本縣由四川劃隸西康，以位居康寧雅三屬之中心，扼大相飛越兩嶺之樞紐，樂西路橫通於東西，雅富路縱貫於南北，自是人文輳輳，形勝日增；交通頻繁，地力益闢。苟有舉康省寧雅兩屬今日之繁衝縣份者，固必以雅漢西會並稱。值此抗戰建國之際，川康兩省又爲我國民族復興根據地；本縣地位之日趨重要，從可知矣。然則縣中之山川人物，土質民風，其亦果有足資考證者歟？是固不可以無志！夫本縣之有志，蓋纂自嘉慶五年前縣令劉傳經時；迄於今茲，自又四十餘年矣！其間人事變易，世俗推移，不有記載，何由稽考？故縣人馬世勛君曾增纂於光緒二十二年，李正清君曾彙編於民國七年，陳宗彥君曾補修於民國二十六年。幾經斟酌，期有所成；用心良苦，發願實宏。卒因一再遷延，未能定稿；遂至百餘年來，文獻無徵，識者惜之！（按）以民國二十八年冬來權斯邑。蒞任之初，忙於路政，迄無暇晷，迨至各項政務，爬梳就緒，乃與縣行政會議諸君子，議及增修縣志事。因聘邑賢王君瑜生，李君奎聚，曹君伯銘，何君暄曜共圖之，而由王君負總纂之責。其間體例之商榷，材料之增省，一字推敲，每廢寢食。凡數閱月而初稿始定。復徇縣人之請，更聘諸君領先，曹君伯禹，吳君履安諸學博，分別審查校訂；又歷數月而全書以成都三十萬言。覽披之餘，雖覺記繁志寡，見解各殊；而述事狀物，傳實則同。從茲文獻可考，啓發有資，鑒往勸來，胥於是賴。數十年後，本縣其將人文蔚起乎？是所望已！！

中華民國三十年八月五日資中東巖劉裕常序於縣府左側槐蔭軒

增修漢源縣志序

纂修邑乘，非徒傳紀載備掌故而已，凡風俗之美，人文之盛，忠孝節義之休風，爲之表彰傳述，將令地方人民，觀感興起於無形之中，則所以扶倫常，培文化，納民於軌物者，蓋莫要於是也，邑經明末喪亂，文獻蕩然，清嘉慶初劉令石渠始輯縣志，上下數千年，典章文物，延續勿墜，厥功偉矣，願當時開基草創，紀述缺略，自光緒丙申，而民國戊午，而丁丑，先生長者，後先修纂，謀出新志以替之，乃時閱數十稔，經十數易，洋洋鉅製，卒無成局，興言及此，輒爲太息，方今西康建省，經邊敷治，借鑑孔殷，而存藁漫漶，舊志流傳益尠，及今不爲，後將若何，時縣長資中劉東巖，非百里才也，蓋籌遠慮，毅然以促成新志爲己任，庚辰春縣行政會議，應時而有修志之議，議既諧，東訂同季君奎聚，曹君宜庥，何君曜萱，預編纂之役，而期成於五閱月，資費預算如之，斯時舊徵書籍無存，採訪匆遽，鮮有應者，公牘敦促，辭之不可，乃就竭廬，集同仁，校理舊藁，網羅近聞，地輿增插圖繪，綱要酌爲變通，益以人事糾牽，日月逝矣，勉強脫藁，彙送審核，琢自維薄謏，謬附諸賢之末，以畢茲役，溫公所謂乃述故事，整齊其傳而已，非所謂作也，負審核者駱君碩先，吳君履安曹君伯禹，審核竣事，鋟板有日，槭屬爲序以誌顛末，琢因有感焉，邑舊志斷自嘉慶己未以上，距今百四十餘年，其間政治之改革，風俗之變遷，人事之演進，茫然無可攷，而學術事業，道德文章，埋光鏹采，湮沒不顯於世者，更不可勝道，後生小子，昧夫鄉邦獻典，致蹈數典忘祖之譏者，所在有之，此地方之憾也，則斯志之成，惜其晚矣，雖然邑自有清以來，碩學通儒，代不乏人，而數百年中成志僅兩見，以是知非修志之乏人，而緣負責任以始終其事，如前令石渠現今東巖其人者，不可多得，則斯志之成，何其幸也，自是邑之人得常接夫先民矩矱，列代流風善政，將鼓舞作興於政教法令之外，日遷於苦而不自知，則所以納民於軌物者

，其在是乎，進而樹自治之先聲，奠憲政之基礎者，其在是乎，後之覽者，將藉斯志爲治具，以展布其爲治之才，盡其爲治之心，則斯志之有利於國家民族，至大且遠，豈徒曰博紀載備掌故已哉。

民國三十年歲次辛巳秋八月王琢謹識

清溪縣志原序

經少時喜讀南越廣州諸記及壯游吳越嶺東西間山川風土歷歷如所舊游因以嘆讀書之益選官後宦劍南於入蜀游蜀諸書則亦納諸行笥不時展閱藉以少助治理然自愧小儒拘墟多負古人也去年夏奉檄來權黎篆至則踰相嶺西上飛越之巔南窮大渡河內外村墟炎天瘴雨寒煖不常雪山叢莽又時時出妖毒與罡風相助爲災亟進者庶而詢之思有所藉以爲撫卹之道則文獻罔徵非自今日始矣夫黎東連邛雅北界徙都西迄白狼槃木諸國南至於越嶲又南迤邐於牂牁犍爲諸郡蓋古西南極邊地蠻商越驛腥醝錯雜熟夷生獠與吾民比屋而居連畦而種民生其間其居處也如處巢穴然其治生也如治石田然加以水土惡劣瘴癘不常官斯土者思有所以撫卹之非有志乘將何所藉哉政縣以來百餘年矣良有司踵相接也當西南衝要以故或數月或踰歲率遷去否則大吏亦必爲之均其苦樂量其遠近以時調移亦情勢然也故志乘終不得就由是言之非人之難時之難也經亦非能賢也大吏不以爲拙具官於此凜凜惴惴懼仰觀前徽無能爲諸君子後幸吾民相與安之居旣久遂忘其陋念邑乘一書及今不輯則將來益不可輯矣因借學博楊君九鼎張君九鼎及父老士庶相與摭拾前聞網羅近事地僻人少藏書不能廣爲蒐剽僅就行笥所攜爲之考訂而編輯之蓋自去秋迄於今春數閱月而書稍稍就緒然經之爲此非敢貺之後來也自揣愚陋思欲蒼萃故事便資檢閱藉助治理云爾黎人士必欲付之剞劂再辭不可遂允之又數月而書成於時叩雪欲消椒花滿樹迴憶去夏來邑時殆忽忽踰歲矣夜闌風緊官舍蕭然擁裘緡閣又彷彿如讀南越廣州諸記時也

嘉慶五年四月上泮署縣事章貢劉傳經序

纂修漢源縣志紀略

邑有志創自嘉慶己未石渠劉公迄民國己未適兩週甲年中經張集庵師同孫明經

注

周茂才

集

延馬孝廉

名一

爲增修規模雖具採訪蓋闕光宣之季陳視學邦之幾經提議公啓肇端因路潮中止國體旣更邦之以當選省會遷去甲寅吳視學履安重提舊議商請縣府徵取富順劍州井研峨眉洪雅榮經越嵩天全諸志藉資參考丙辰冬縣會復活羅議長

文應

與議

參會諸君提案修志並舉不佞同子宅秉筆旋由知事黃陂張慶華照請會辦成立事務所關訂

下賁自維衰病益以荒落不克負荷邑人士勛以大義謂失今不修後將何及丁巳春暮總會辦敦促到所擬訂條款分送各採訪員遲之又久亟思徵文考獻苦難着手及子宅蒞所乃請當事調取縣案舊卷而戶而禮而兵而工積年殘檔霉濫塵封難於翻揭餘未檢閱而流光如駛歲聿云暮矣戊午春仲到所纂輯於山脈河流參諸舊志證以採訪總覽未符入夏同伯禹測量城西道里雨阻泥濘勉至飛越不覺榴花照眼嗣到豔山紅調查乃悉我縣西北形勢山水位置惟東南富順兩鄉採訪未到滿擬親往調查而時不我許祇逢人訪問志其概略於所不知付諸闕如夫事非躬親不知其難文獻不足宣聖慨焉昔陳文恭公謂州縣志宜二十年一修否則三十年必修今承乏此役彌覺先哲之言信而有徵益歎吾邑志乘失修之太晚遂忘謝陋與子宅同年撫拾前聞網羅近事茲雖編纂脫稿罅漏闕略勢所必然殷鑒不遠尤冀後起名賢賡續爲之母笑我拙勤補吾闕邑之山川草木亦被其光而聲施於奕葉己未長至

李正清謹識

序言

丙辰春因母病自成都歸旣抵家喜占勿藥諸親友皆來存問仍忙赴省在禮有來必往連日酬答晤玉冰兄談及縣志當修據云甫議及尙無頭緒余謂失修者百餘年前此諸先輩有可修之機大都坐謙讓未遑有以誤之夫謙讓美德也然與其過而廢也毋寧過而存之且來日大難失今不修後難着手玉冰兄亦爲首肯余旣赴省聞將開局滿望樂觀厥成無復過問丁巳春錦城釀成內閣投鼠無復忌器中城繁盛化爲一片瓦礫場且謠議沸騰一再未已而客居燕幕有何留連仲夏旋里甫解裝縣長張公卽賚關聘來相延致無辭可以委卸因亦有忘譴陋拙其半解一知以從襄輯之後志中最要者測量圖畫山脈水道其次則物產賦稅學校等部玉冰兄亦已大具規模較舊志詳確不啻倍蓰余不過就故紙堆中鉅釘爲文戊午秋先慈見背擱筆數月然承認各門半已脫稿己未夏同人再促錄寫延至冬初且增且竄自錄始竣覆閱一過謬誤環生夫著書之難也自起稿自抄錄猶覺罅漏百出矧付諸錄手乎舊志成於數月無怪其脫略複雜前後矛盾相望皆是也稿成爲袞其沿起若此

中華民國八年十二月八號邑人曹鴻基識

續修漢源縣志序言

修輯邑乘余之號於衆也蓋在三十一年前至民國庚申乃徵諸實事時李玉冰曹子宅兩先生鉤考載籍檢閱檔案網羅舊聞竭兩三載之辛勤襄然成書八冊鴻篇鉅製洋洋乎稱大觀焉徒以時局不甯束諸高閣者又閱十餘寒暑此十餘年中政治之改革人事之變遷風俗之演進覺又有應續於後者適鄧明樞縣長於丙子秋開縣政會議謀輯志乘衆贊同就漢場文武宮設修志所委職員派調查聘編輯聚羣英於一堂分工合作不數月而脫稿然後歎天下事成於一手者易而難成於羣力者難亦易也考邑之隸版圖始於漢武通西南閩今三千餘年其間或升爲州爲郡或降爲所爲縣詎無人焉從而紀之載之如王寅孫沈黎志薛紱黎州志唐求黎州圖經之類但頻遭喪亂陳編遺佚元明迄清始得石渠劉公成一清溪縣志時實嘉慶四年己巳也屈指逾兩週甲矣馬君增輯李曹纂述未及付印余懼其散佚也是用提議續修因續修而追隨諸君子後乃知此舉誠非易易儻物力人力一有缺點斷難從事編纂古人未謀及此非古人簡略不肯任事知古人必有囿於環境而限於時勢者不然縣有志猶國有史古人甯不知之知而留此闕典勢必有難爲者在此次續修非籌有若干鉅款惟制取分工各編輯既不虞時間之久復不支毫釐之薪以故工速而用省在昔若行此制則又何代無成書哉新志隨卽付印爰將此簡易辦法筆之篇末以饋來茲後賢有志纂修或不虞限於環境而致令文獻蓋闕也吾邑志乘庶可永續勿替己丙子祀灶日陳宗彥序

漢源縣志

例言

- 一 本志根據二十九年春季行政會議決議就原有志稿及續修志稿增補之
- 一 分門標目從湘潭峨眉山志例分疆域建置等十四門爲總目縣境歷史沿革等七十餘門爲子目各從類附以綱統目俾便披覽
- 一 紀事概依舊稿因時代關係間有損益以符事實
- 一 本志據事直書不弁小序從富順段志例也
- 一 學宮爲文化之源政教之升降繫焉茲於學校之次仍詳學宮沿革告朔餼羊意也
- 一 耆舊一門凡屬碩德懿行有聞必錄入祀鄉賢者尤特別紀敘俾得仰先民矩矱
- 一 節孝曾奉旌表者固必詳紀其未經奉報而採訪年例符者例應登載若列女中有苦節孝行者不拘年例亦得登載以資風勸
- 一 藝文照例生存不錄
- 一 通志有雜誌外紀等目今仿其例列雜誌一門凡不屬各門或漏列者編入之
- 一 本志增修至二十九年止紀事概以現代爲主其沿革附之

漢源縣志目錄

疆域	縣境附圖 歷史沿革 氣候 山脈 河流 形勢（附關隘）
建置	縣城 官署（附機關法團鄉鎮區域表） 市集 鄉區水利 倉儲 合作事業
職官	職官沿革（附表） 職官表 政績
武備	歷代設備 歷代兵事
賦役	賦稅 肉稅 酒稅 油稅 雜稅
教育	學校沿革（附表 變遷始末 鄉學沿革） 學額 書院 義學 勸學所
交通	道路 橋樑 水運 郵電（附驛遞） 公路（附社工事實）
風俗	民族 民情 婚喪 祭 歲時 語言
倉貨	植物 動物 礦物 農業 工業 商業
人物	科名 選舉 畢業 文職 武職 封典 耆舊 耆壽 忠義 節孝 貞烈 仙誕 旨寓 賓師 方坊
寺廟	寺廟緣起 善堂 義塚
古跡	遺址 八景 金石 坊表 名墓
藝文	官師著作 邑人著作
雜記	鮮異 瑣記 大事記 土司軼事

漢源縣志歷次纂修年代姓名表

年代

職務

姓名

歷

備考

裁定劉傳經

署知縣江西舉人

纂輯陳一泗

金堂縣舉人

校定任一貴

邑拔貢生

曹棐

邑思貢生

陳組

邑廩生

曹雖

邑廩生

李如楠

邑廩生

曹鳴駒

邑廩生

邨鍾英

邑廩生

張恒

邑廩生

段介菴

邑廩生

參閱雷徵光

江西貢生

清嘉慶己

未 清 光 緒 丙 申 民

纂 修 李 正 清	總 理 張 慶 革	孫 桂 元	任 文 龍	周 炳 奎	李 步 瀛	曹 鴻 基	李 正 清	協 理 孫 世 江	纂 修 馬 世 勳	裁 定 張 大 成	鑒 定 蕭 駿 琪	李 曰 盛	王 堂 海
	縣知事湖北人	邑增生	邑增生	邑增生	邑附貢	邑拔貢	邑拔貢	邑恩貢	邑舉人	邑舉人	署縣事湖南進士	邑舉人	江西貢生
原蒙僅存	脫蒙未料	局蒙未究 今已散失											